

ՊԱՅՏՕՆԱԿԱՆՔ

Հ Ե Ռ Ա Գ Ի Ի Ն Ե Ր

ՆՈՐԻՆ ԿԱՅՍԵՐԱԿԱՆ ՄԵԾՈՒԹԵԱՆ ՕԳՈՍՏԱՓԱՌ ԹԱԳԱԽՈՐ ԿԱՅ-
ՍԵՐ ԾՆՆԴԵԱՆ ԵՒ ԳԱՀԱԿԱԼՈՒԹԵԱՆ մեծահանգէս աւուրց առ-
թիւ Ամենապատիւ Տէր Տեղակալը հեռագիրներով յանուն Ներ-
քին Գործոց Նախարարին Հայ հոգեւորականութեան և Էջմի-
ածնի Միաբանութեան կողմից շնորհաւորեց այդ մեծահանգէս
տօները, յայտնելով ամենահաւատարիմ հպատակութեան ջերմ
զգացմունքներ:

Կովկասեան Կառավարչապետի կրկին գրութիւններէց երևում
է, որ ԹԱԳԱԽՈՐ ԿԱՅՍԵՐԸ լսելով Ներքին Գործոց Նախարարի ա-
մենահպատակօրէն զեկուցումը այդ հեռագիրների մասին՝ Ամե-
նաողորմածաբար բարեհաճեց հրամայել. «ՇՆՈՐՀԱԿԱԼՈՒԹԻՒՆ
ՅԱՅՏՆԵԼ, ՀԱՅ ՀՈԳԵԽՈՐԱԿԱՆՈՒԹԵԱՆԸ, ՇՆՈՐՀԱԿԱԼՈՒԹԻՒՆ ՅԱՅՏ-
ՆԵԼ, ԷՋՄԻԱԾՆԻ ՄԻԱԲԱՆՈՒԹԵԱՆԸ»:

Ք Ա Ղ Ո Ւ Ա Ծ Ք Ս Ի Ն Օ Դ Ի Օ Ր Ա Գ Ր Ո Ւ Թ Ի Ի Ն Ն Ե Ր Ի Յ .

11 ապրիլի, 1892. ըստ հրամանի ՆՈՐԻՆ ԿԱՅՍԵՐԱԿԱՆ ՄԵ-
ԾՈՒԹԵԱՆ ԻՆՔՆԱԿԱԼԻՆ ամենայն Ռուսաց Սուրբ Էջմիածնի Հայոց
Լուսաւորական Սինոդում լսեցին. Նախ՝ վրաստանի և Իմէրէ-
թի Հայոց թեմի ծխական 42 պատգաւաւորների բարեբաղիւր
յանուն նոյն թեմի Գեր. Առաջնորդին և յանուն Սինոդիս, ան-

ցեալ մարտի 8-ին) որի մէջ գրուած է. «Նկատելով, որ Հաւա-
բարի ս. Լուսաւորչի և Էջմիածնեցւոց եկեղեցիների փետրուար
2-ի ընտրութեանց, որպէս նաև Կումիսի գործակալութեան ա-
ռաջին ընտրութեան պատգամաւորները չեն ընդունուած Ձերդ
Սրբազնութեան կողմից այսօրուայ պատգամաւորական ընտրու-
թեանը մասնակցելու համար, այն ընտրութիւնները բեկուած
լինելով Ձերդ Սրբազնութեան կողմից և վերընտրութիւններ
նշանակուած լինելով: Նկատելով, որ մինչ մէկ կողմից այդ պատ-
գամաւորները բողոքել են Բարձրագոյն Ատենին՝ Ս. Սինօզին՝ ի-
րենց ընտրութիւնների բեկման գէմ, միւս կողմից Ձերդ Սրբազ-
նութիւնը վերընտրութիւններ է կատարել տուել հակառակ Ս.
Սինօզի կարգադրութեան, որ պահանջել էր վերընտրութիւններ
չը կատարել, այլ նախ՝ առաջին ընտրութիւնների բեկման պատ-
ճառները և վերաբերեալ գրաւոր փաստերը առաջարկել Ս. Սի-
նօզի քննութեանը և սպասել սորա վճռին: Նկատելով, որ
Բարձրագոյն Ատենի այդ կարգադրութիւնը անտեսութեան մատ-
նելով Ձերդ Սրբազնութիւնը վերընտրութիւններ է կատարել
տուել Էջմիածնեցւոց եկեղեցում և Կումիսի գործակալութեան
մէջ, զրկելով նախկին պատգամաւորներին և նոցա ընտրող բազ-
մաթիւ ընտրողներին իրենց իրաւունքներից: Նկատելով, որ Ձերդ
Սրբազնութիւնը հեռացրել է ընտրութեան գործից ս. Լուսա-
ւորչի եկեղեցին, մերժելով նորա ներկայացուցիչ պատգամաւոր-
ներին: Նկատելով, որ Էջմիածնեցւոց եկեղեցու և Կումիսի գոր-
ծակալութեան առաջին ընտրութիւնների պատգամաւորների
փոխանակ՝ Բարձրագոյն Խշիտանութեան կարգադրութեան հակա-
ռակ կատարուած վերընտրութեան ներկայացուցիչներն են ըն-
դունուած ի մասնակցութիւն թեմական պատգամաւորի ընտրու-
թեան: Նկատելով վերջապէս իբր ամիսօրումն այս բոլորի, որ
ներկայ ժողովը անկատար է իւր բաղկացուցիչ մասունքների
կողմից և անկանոն է՝ հակառակ Ս. Սինօզի կարգադրութեան
մատունքներ գտնուելով իւր մէջ: Անկանոն և անկատար ենք
համարում այսպիսի մի ժողով, հրաժարւում ենք սորան մաս-
նակցելուց և թողնում հեռանում ենք ժողովարանից, բողոքե-

լով որ և է ընտրութեան գէմի եթէ նա այսօր կամ երբ և իցէ տեղի ունենայ առանց օրինադրութեան, իրաւականութեան և արդարութեան բոլոր հանգամանքները ներկայացնելու, և միանգամայն յայտնելով Չերզ Սրբազնութեանը, որ այս բողոքագրի պատճէնն ուղարկում ենք Էջմիածնի Ս. Սինօգին, որի կարգադրութեան և կսպասենք: Երկրորդ՝ լսեցին Հաւարարի Էջմիածնեցոյ ս. Գէորգ եկեղեցու ծխական պատգամաւորների բողոքագիրը՝ ճայրագոյն Հոգեւոր Խշխանութեան առաջադրութեան հակառակ փետրուարի 23-ին նշանակուած պատգամաւորների անկանոն վերընտրութեան գէմ՝ և թեմական պատգամաւորի ընտրութեանը մասնակցելու իրաւունքից իրենց զրկուած լինելու գէմ: Երրորդ՝ լսեցին Հաւարարի ս. Լուսաւորիչ եկեղեցու ծխական պատգամաւորների բողոքագիրը՝ նոյն եկեղեցու ծխականներին թեմական պատգամաւորի ընտրութեան մասնակցելու օրինական իրաւունքներից զրկուելուն գէմ: Զորրորդ՝ լսեցին Նիկողայոս Տէր-Ղևոնդեանցի և Լևոն Ղորղանեանցի բողոքը այն բանի գէմ որ Սրբազան Առաջնորդը Կումիսի գործակալութեան ժողովրդի ծխական երեսփոխանների առաջին ընտրութիւնը անվաւեր է համարել և վերընտրութիւն է նշանակել հակառակ ճայրագոյն Հոգեւոր Խշխանութեան առաջադրութեան, որով զրկուել են իրենք թեմական պատգամաւորի ընտրութեան մասնակցութիւնից: Տեղէն՝ Էջմիածնի Նախ. Թիֆլիզի ժողովուրդներից 270 անձանց փետրուարի 12-ին քաշած հռապիրը, որով բողոքում էին Գեր. Առաջնորդից՝ ս. Լուսաւորիչ, Էջմիածնեցոյ ս. Գէորգ եկեղեցիների և Կումիսի գործակալութեան նոյն ամսի 2-ին կանոնաւորապէս կատարուած ընտրութիւնները անվաւեր համարելուն համար և խնդրում էին պաշտպանել ժողովրդեան իրաւունքները, Ամենապատիւ Տէր Տեղակալից Սինօգին յանձնուելուց յետոյ՝ հռապարուեց Գեր. Առաջնորդին, նոյն ամսի 14-ին, դադարեցնել կատարուած ընտրութիւնները անվաւեր համարելու իւր տնօրինութիւնը և նոր ընտրութիւններ նշանակելու, առաքելով Սինօգս նոյն իսկ առաջին փոստով իրեն մատուցուած բողոքները ընտրութեանց կանոնաւորութեան կամ

անկանոնութեանց վերաբերութեամբ, առաքել նաև ընտրութեանց թերթերը, որոնց վրայ ստորագրել են նախագահող քահանաները, այլ և մի օրինակ ընտրութեանց համար իւր տուած Հրահանգից, և սպասել վախճանական տնօրինութեան Սինօգիս: Սակայն՝ Նորին Սրբազնութիւնը անունկնդիր լինելով Սինօգիս այս առաջագրութեանը՝ նշանակեց դարձեալ վերընտրութիւններ, որոնց պատճառով մտան Սինօգիս բողոքներ՝ ս. Լուսաւորիչ եկեղեցու ծխական պատգամաւոր՝ Աղասի Մելիք-Այվազեանից, Գաբրիէլ Իշխանեանցից և Սարգիս Մանուէլեանցից, Կումիսի գործակալութեան պատգամաւոր՝ Նիկողայոս Տէր Ղևոնդեանցից և Լեոն Ղորղանեանցից: — Վերընտրութիւնները նշանակելուց յետոյ Նորին Գերապատուութիւնը՝ փետրուարի 19-ին ընդ համարաւ 43՝ ծանոյց Սինօգիս թէ ուղարկում է պահանջուած թղթերը, աւելացնելով՝ թէ վերոյիշեալ ընտրութիւնները անլուր է համարել, որովհետև այդ ընտրութեանց մասնակցել են մի քանի ոչ-ծխականներ, մի քանի ոչ-չափահասներ, մի քանիսը անբարեմիտների պատրանքով և խաբէութեամբը կամ՝ բռնի իմն եղանակով մասնակցել են ընտրութեանը հակառակ իրաւունքի և իւր Հրահանգի» և թէ՛ «բացի սրանցից, բազմաթիւ անբարեմիտ, անյայտ, անչափահաս ժողովուրդներ այլ և այլ եկեղեցիներից խումբ խումբ ժողովուրդելով ս. Լուսաւորիչ և ԼՂմիածնեցւոյ եկեղեցիների գաւիթներում գործ են դրել սեպհական ծխականների վրայ բռնութիւն և ճնշումն, մի քանիսին վախեցնելով՝ միւսներին խաբելով, մի քանիսին կաշառելով հեռացրել են այն ընտրութեանց մասնակցութիւնից»: Երկրորդ՝ ստանալով թեմական պատգամաւորի ընտրութեանը մասնակցելուց հեռացած ծխական պատգամաւորների բողոքագիրը, այլ և ս. Լուսաւորիչ, ԼՂմիածնեցւոյ ս. Գէորգ և Կումիսի գործակալութեան առաջին ընտրութեանց ծխակ. պատգամաւորների բողոքագիրը՝ Սինօգիս մարտի 14-ին պահանջեց Սրբ. Առաջնորդից վերոյիշեալ երկու եկեղեցիների և գործակալութեան առաջին և վերջին ընտրութեանց ծխականների թերթերը, նաև թեմական պատգամաւորի ընտրութեան թերթը և դրանց վերաբերեալ բոլոր

թղթերը և իւր՝ Առաջնորդի՝ բացատրութիւնը: Սրանից յետոյ Նորին Գերապատուութիւնը յայտարարութեամբ՝ ամսի 17-ին թ. 61, ուղարկում է պահանջուած թղթերը, Բայց ու լուսաւորիչ և էջիւնեցոց եկեղեցիների առաջին ընտրութեան լեւեռից, որոնք յիշատակում են առաջին յայտարարութեան մէջ իբրեւ ուղարկուած, բայց անյայտ պատճառով մինչև մարտի 14-ը չեն երևում լեւեռի վրայ, և աւելացնում է (Ս. Առաջնորդը) իւր բացատրութիւնը յիշեալ երկու եկեղեցիների մասնաւոր (ծխական) ընտրութեանց և թեմական պատգամաւորի ընտրութեան վերաբերեալ: Իսկ երբ բացատրում է թէ ինչի՞ չը կատարուեց Ս. լուսաւորիչ եկեղեցու երկրորդ ընտրութիւնը, ասում է. «Երկրորդ անգամ ս. լուսաւորիչ եկեղեցում չէ կայացել ընտրութիւնը՝ ենիչերական Մշակական խմբի ազգի ազգի մեքենայագործութեանց պատճառով, որ ժողովուելով այդ ընտրութիւնը խափանելու համար չէ խնայել գործ դնել ամենատեսակ աններելի միջոցների, ինչպէս են՝ բռնութիւն, երկիւղ, խաբէութիւն, գրամ և շինծու հեռագիրների, որոնք իբրեւ թէ եկած են եղել Սինօգիգ կողմից այդ ընտրութիւնը խափանելու համար: Այդպիսի խայտառակութիւններ ջանացել է գործ դնել մի ուրիշ Մշակական խումբ և էջմիածնեցոց եկեղեցու ընտրութեան ժամանակ, բայց այսուամենայնիւ չեն յաջողել խաղառ խափանել ընտրութիւնը»: Սակայն էջմիածնեցոց եկեղեցու ընտրողական և վերընտրողական թերթերից, ս. լուսաւորիչ եկեղեցու ընտրողական թերթից, և այս ընտրութեանց վերաբերեալ միւս բոլոր թրդթերի վերահասութիւնից երևում է, որ առաջին ընտրութիւնները եղել են միանգամայն կանոնաւոր և ընդհակառակն՝ կեղծիք և մեքենայութիւնների ձեռք են առնուել նոյն այդ առաջին ընտրութիւնները խանգարելու համար: Այսպէս՝ օրինակ, ա) էջմիածնեցոց ս. Գէորգ եկեղեցում առաջին ընտրութիւնը կատարուել է մասնակցութեամբ 153 ծխականների, նախագահութեամբ Ներսէս Աւագ քահանայ Աբովեանցի: Թեմական Առաջնորդի հրամանին համաձայն նախագահող քահանաների պարտքն են, յօդ. 3. «Իւրաքանչիւր նախագահ ստանալով թեմակալ

Առաջնորդից այս մասին առաջադրութիւն, պարտաւոր է անմիջապէս պահանջել իրան յանձնուած եկեղեցու աւագ և միաբան քահանաներից այն ծխականների ցուցակը, որոնք ընտրութեան մասնակցելու իրաւունք ունին: Յօդ. 4. «Ցուցակներն ստանալուց և ճշտելուց յետոյ նախագահը պիտի պահպանէ իրան մօտ մինչև ընտրութեան օրը, որպէս զի համեմատէ ժողովին ներկայ եղող ծխականների հետ»: Յօդ. 8. «Ընտրութիւնից առաջ նախագահը ծխատէր քահանաների ներկայութեամբ պիտի ստուգէ ցուցակների համեմատ ժողովին ներկայ գտնուողներին, և նրանց, որոնք ցուցակների մէջ չեն մտած, կարգադրէ հեռացնել ժողովից»:—Եթէ ներսէս աւագ քահանայ Աբովեանցը պահել է իւր իշխանութեան այս պատուէրները, ուրեմն ընտրութիւնն ինքն ըստ ինքեան կանոնաւոր է, իսկ եթէ չէ պահել, արժանի էր պատժի, առաջագոյն քննելով և ստուգելով նորա զանցառութեան չափը: Ընտրութիւնից յետոյ 54 անձինք մի բողոք են մատուցել թեմական Առաջնորդին՝ թէ ընտրութեանը մասնակցել են ոչ-ծխականներ և անչափահասներ, առանց յիշելու նրանց անունները, և ահա՛ առանց պահանջելու նախագահ քահանայից բացատրութիւն, առանց ստուգելու ցուցակներից և ծննդական վկայականներից, ընտրութիւնն անվաւեր է հրատարակուած և նշանակուած է վերընտրութիւն, մինչդեռ ոչ մի իշխանութիւն և ոչ մի հատատութիւն չէ կարող տնօրինել կամ վճիռ տալ, առանց կանխաւ քննելու գործը: Այդ բողոքագրում ստորագրել են և այնպիսի անձինք, որոնք ստորագրել են ընտրութեան արձանագրութեան մէջ առանց բողոքելու: Այդ կրրկնակի հակասական ստորագրութիւն ունեցողները սրանք են. — Ստեփան Ալաւերդեան, Գալուստ Մնացականեանց, Լեոն Վարդանեան, Թադէոս Վարդանեան: Վերջինիս անգրագիտութեան պատճառով ընտրողական թերթում նրա խնդրանքով ստորագրել է Թադէոս Մատինեանց, իսկ բողոքագրում նրա անունը դրուած է իբրև գրագիտի անուն: Փետրուարի 23-ին եղել է վերընտրութիւն մասնակցութեամբ 20 ծխականների, մինչդեռ 100 ծխականներ բողոքել են Առաջնորդին ընդդէմ վերընտրութեան:

Բացայայտ է թէ 20 անձինք չեն կարող լինել մի եկեղեցու հարկւրաւոր ծխերի ներկայացուցիչ, բայց որպէս զի այդպիսի ընտրութեանը օրինաւորութեան ձեւ տրուի և բողոքողների իրաւունքը նուազեցուցուի՝ մատուցանուած Առաջնորդին, մարտի 1-ին, խնդիր մի քանիսից, այն մոքով թէ իրենք իբրև ծխականներ չը կարողացան մասնակցել վերընտրութեանը, որովհետև եկեղեցու բազում ահագին աղմուկի հանգիպելով մնացինը շուարած, և մեզ հեռագիր կարդալով հաւատացրին՝ որ ընտրութիւնը այդ օրը կայանալու չէ, այդ իմանալով մենք ցրուեցանք, բայց հաճ և հաւան են քսանի կատարած ընտրութեանը: Եւ այդ ցրուեցի միջում կան այնպիսիները, որոնք մասնակցել են վերընտրութեանը: Արանցից մինն է Միքայէլ Մելքումեանը, որ ստորագրել է և վերընտրութեան թերթում և 100 ծխականների ընդդէմ վերընտրութեան բողոքագրի թերթում, և եկեղեցու գաւթից ցրուածների թերթում բայց գրչի մէջ մեծ զանազանութիւն կայ: Միւս անձը, որ ստորագրել է ցրուածների թերթում է Թաթոս Վարդանեանը, որ մասնակցել է նաև վերընտրութեանը: Մի ուրիշը՝ «Գեւորք Ենգիբարեան», նշանակուած է ընդդէմ առաջին ընտրութեան բողոքի թերթում իբրև անգրագէտ, ըստ խնդրանաց որի ստորագրել է Տիգրան Չմշկեանց, այն ինչ նոյն անձը յանուն Առաջնորդի խնդրագրում 24-ին փետրուարի երեւում է ստորագրած իբրև գրագէտ՝ «Գեորք Ենգիբարեան»: Վերընտրութեանը մասնակցողներից մէկն է ոմն Մովսէս Արութինով, և սա նոյն խնդրագրում ստորագրել է թէ՛ «աղմուկի հանգիպելով ցրուեցանք»: Իսկ մի ուրիշը, առաջին ընտրութեան թերթում ստորագրողներից՝ Լևոն Վարդանեանց, ստորագրել է և 51 անձանց ընդդէմ այդ ընտրութեան խնդրում և 100 անձանց բողոքագրին ընդդէմ վերընտրութեան: Բ.) Եւ Լուսաւորիչ եկեղեցու ընտրութիւնը կատարուել է նմանապէս Թեմական Առաջնորդի հրահանգի համաձայն և նախագահութեամբ Աշոտ քահանայի, որը ստորագրել է թերթին, առանց անվաւեր համարելու ընտրութիւնը: Տեսող՝ նոյն օրը մատուցւում է Առաջնորդին մի արձանագրու-

թիւն, ընտրութիւնը անվաւեր համարելու համար, որովհետեւ ասում են թէ՝ մասնակցել են «ոչ-ծխականներ և ոչ-չափահասներ»։ Այս արձանագրութիւնը կիսով չափ գրուած է մի գրքով և կիսով չափ ուրիշ ձեռքով և դրա մէջ ստորագրել են այնպիսի անձինք, որոնք հասակցել են ընտրութեանը և ստորագրել են ընտրողական թերթը առանց բողոքելու։ Այդ անձինքն են. — Գէորգ Յարութիւնեանց, Եագոր Մելիքեանց, Բագրատ Տէր-Յարութիւնեանց, Գէորգ Տէր-Մարտիրոսեան, Քէրոբ Բէկնազարեանց, Սարգիս Ղազարեանց, Արտեմ Ասլամազով։

Վերոգրեալ հանգամանքները լսելուց յետոյ Սինօգի Ատենապետի Տէր Տեղակալը յանձնեց Ատենիս երկու նամակ, որոնցից մէկը գրուած է Գերապատիւ Մամբրէ եպիսկոպոսի (Թիֆ. Առաջ.) իսկական ձեռքով և ստորագրութեամբ, այս տարուայ փետրուարի 6-ին։ Այդ նամակն է հետևեալը. «Բարեկրօն Տէր Յովհաննէս, այս մասնաւոր նամակովս յանձնարարում եմ Ձեզ, որ երկու երեցփոխանների ընտրութիւնը Ձեր գործակալութեան և Արգունի շուտով կատարել տաք և աշխատէք այնպիսիները չընտրուին Մշակի կուսակիցներից, որոնք ուղում են քանդել միանգամից Հայաստանեայց Ս. եկեղեցին, այլ այնպիսի անձինք, որոնք ճշմարիտ հայ են, յարգում ու սիրում են իրենց եկեղեցին։ Եթէ այդտեղ այնպիսի անձինք չգտանին, որ կարողանան ժամանակին Տփլիս գան ճանապարհի հեռաւորութեան ու դժուարութեան համար, կարող էք այստեղից Տփլիսից ընտրել այնպիսիքը։ Եւ կարելի է ընտրել տալ Պ. Սպանդար Սպանդարեանցին (Նոր—Գարի խմբագիր), Պ. Վարդանեան ֆիլիպպոսին (Տեսուչ Յովնանեան Մարիամեան օրիորդական ուսումնարանին), կամ ստատսկի սովեանիկ Գասպար Նահապետեանցին։ Արոնք մեր ս. եկեղեցւոյն և ազգի օգուտը պաշտպանող անձնանուէր անձինք են»։ — Իսկ միւս նամակը գրուած է Գիւտ քահանայ Ազանեանցից, նոյն ամսի 14-ին, որ ունի այս օրինակը. «Եղի հարկաւոր Տէր Նիկողայոս հայր, ուղարկելով Ձեզ մի ընտրութեան թերթ գրած Ռ. և Ն. յ. յ. ինչպէս որ երէկ կայացաւ հրապարակով ընտրութիւնը, առաջարկում եմ իսկոյն մի մարդ վարձելով բոլոր

գիւղերը շրջեցնելով ստորագրել տաս և բոլոր տանուտէրների կնիքներով վաւերացնել տաս, որովհետեւ Տէրաւոր Վաւերացած Վեհապետէրէն յետոյ: Ստորագրութեան յետ լինի այսպէս: Վաշ-լօվանի պատգամաւոր—այս ինչ (անունը և ազգը): Բորբալայի պատգամաւոր—այս ինչ, Իրգիսի պատգամաւոր—այս ինչ: Սոցա ստորագրութիւնը վաւերացնում եմ տանուտէր այս ինչ (կնիք): Կօզայի պատգամաւոր—այս ինչ, Մուխաթի պատգամաւոր—այս ինչ, Սոցա ստորագրութիւնը վաւերացնում եմ (կնիք): Կումիսու պատգամաւոր—այս ինչ, Սոցա ստորագրութիւնը վաւերացնում եմ (կնիք): Թէլէթի պատգամաւոր, Սողանլուսի պատգամաւոր, փոքր Թէլէթի պատգամաւոր և այլն: Թերթի փոխելու պատճառն այն է, որ ստորագրութիւնները խառն ի խառն են և ջերարած մի փոքր սխալը, որ ասացիք թէ միայն տանուտէրերը վաւերացնեն հերիք է, այն ինչ անպատճառ ամենքը պէտք է ստորագրեն: Այս գործը պէտք է վերջանայ կիւրակի օրը և երկուշաբթի առաւօտ պիտի ստանամ ջեղանից, որ ներկայացնեմ ուր հարկն է: Անպատճառ պէտք է ստորագրել աս և ծղնէթի, Լիսի, Գեղումի և Ծաւկիսի պատգամաւորներին:

Առնելով ի նկատի, որ Սրբազան Առաջնորդը Ս. Լուսաւորիչ եկեղեցու երկրորդ ընտրութեան չկայանալուն համար մեղադիր էր լինում ուրիշներին, անուանելով նորանց ենիչերական Մշակական խումբ և այլն, արգէն իւր վերագրեալ նամակով ապացուցանում է՝ թէ ինքը գործ է դրել ամեն տեսակ աններելի միջոցներ և խափանել է առաջին՝ կանոնաւոր եղանակով կատարուած՝ ընտրութիւնները,—ընտրութիւններ, որ կատարուել են ընտրող ժողովրդի կամքի և ոչ թէ իւր՝ Առաջնորդի՝ հաճոյից համաձայն,— և բռնանալով ժողովրդի ազատ իրաւունքների վրայ տեղի է տուել խռովութիւնների և բողոքների, մինչդեռ պէտք էր, որ ինքը, ինչպէս Առաջնորդ, ըստ տրամադրութեան Սրինաց, հսկէր միայն կանոնաւոր ընտրութեանը և չդեկալարուէր կուսակցական ոգով, մանաւանդ որ աններելի և անվայել է՝ այս ինչ անձին եկեղեցու թշնամի և այն ինչին պաշտպան անուանելով մեղանշել ընդդէմ իւր Սրբազան կուսան և

աստիճանի բարձրութեան: Նկատելով՝ որ Առաջնորդը մի և նոյն անձնական կրքով և կողմնասիրութեամբ ջանացել է ազգի ազգի հնարներով խախտել, խափանել, ս. Ղուսաւորիչ և Էջմիածնեցոց ս. Գէորգ եկեղեցիների առաջին ընտրութիւնները, մինչդեռ այդ երկու ընտրութիւնն ևս միանգամայն կանոնաւոր են: Իսկ Կումիսի գործակալութեան առաջին ընտրութիւնը թէպէտ և կարելի էր բեկանել՝ նախագահող քահանայի մասնաւոր զանցառութիւնների պատճառով, բայց որովհետեւ աւելի ծանրագոյն են այն անկանոնութիւններն ու զեղծմունքները, որ գործ է գրել Գիւտ քահանան, ինչպէս այդ երեւում է նրա արած քննութիւնից և նրա նամակից, որ մէջ բերուեց վերեւում ուստի ՀՐԱՄԱՅԵՅԻՆ. Նախ՝ Վրաստանի և Իմերեթի Հայոց թեմի պատգամաւորի ընտրութիւնը, որ կատարուել է անցեալ մարտի 8-ին, գտնելով անկանոն և անվաւեր, ս. Ղուսաւորիչ և ս. Գէորգ եկեղեցիների և Կումիսի գործակալութեան օրինաւոր ներկայացուցիչների այդ ընտրութեանը չը մասնակցելուն պատճառով, նշանակել նոր ընտրութիւն այս ամսի 22-ին, որի մասին յայտնել նոյն թեմի ժողովրդեան երեսփոխաններին Հոգեւոր Ատեանների և Գործակալների ձեռքով, հրաւիրելով նրանց նշանակուած օրը մասնակցելու նոր ընտրութեանը: Երկրորդ՝ այդ նոյն ընտրութեանը հրաւիրել մասնակցելու Ս. Ղուսաւորիչ և Էջմիածնեցոց ս. Գէորգ եկեղեցիների և Կումիսի գործակալութեան առաջին կանոնաւոր ընտրութեամբ ընտրուած ներկայացուցիչներին, այն է՝ Աղասի Մելիք-Այվազեանցին, Գաբրիէլ Իշխանեանցին, Սարգիս Մանուէլեանցին, Բժիշկ Եփրեմ Աղամալեանցին, Կարապետ Ղազանչեանցին, Ստեփան Մատուրեանցին, Նիկողայոս Տէր-Ղևոնդեանցին և Ղևոնդորդանեանցին: Երրորդ՝ Որովհետեւ թեմի Սրբազան Առաջնորդը, իբրեւ ներկայացուցիչ Հոգեւոր Իշխանութեան, չը կարողանալով մնալ իւր կոչման բարձրութեան վրայ, ապօրինի և օրինազանց ընթացքով տեղի է տուել իրաւացի բողոքների և հետեւաբար՝ ընտրութեան բեկման. ուստի նոր ընտրութեանը Նախագահ կարգել Սինօգիս Անդամ՝ Գերապատիւ Գրիգորիս Եպիս-

կոպոս Աղուանեանցին: Իսկ Գերապատիւ Մամբրէ եպիսկոպոսի այսպիսի ընթացքի և արարմունքների համար խնդրել Ամենապատիւ Տէր Տեղակալի առանձին ուշադրութիւնը: Եւ չորրորդ՝ յայտնելով Տփլիսի պ. Նահանգապետին նոր ընտրութեան օրը, խնդրել նրա տնօրինութիւնը նոյն ժողովին իւր ներկայացուցիչը ուղարկելու համար:

(Ստորագրութիւնք բոլոր Անդամների).

Տեղակալ Ատենապետի Սինօգի՝

Ե Ր Ե Մ Ի Ա Ե Պ Ի Ս Կ Ո Պ Ո Ս.

Ա ն գ ա մ ք՝

Գրիգորիս եպիսկոպոս,

Արիստակէս եպիս. (Սեդրակեան),

Սարգիս եպիսկոպոս,

Արիստակէս եպիս. (Դաւթեան),

Ներսէս վարդապետ:

(Սրբազան Սարգիս և Արիստակէս Դաւթեան եպիսկոպոսների ստորագրութեանցն հետևում է «Մնամ ի կարծիս» յաւելուածը: Իսկ օրագրին կցուած «կարծեաց» վերջում Սինօգի տուած վրձնադատութիւնից երևում է՝ որ այդ «կարծիքը» պէտք է համարել միմիայն Գեր. Արիստակէս եպիսկոպոսի Դաւթեանինը):

1892 ամի փետրուարի 28-ին. ըստ Հրամանի ՆՈՐԻՆ ԿՍՅՍԵՐԱ-ԿԱՆ ՄԵՄՈՒԹԵԱՆ ԻՆՖՆԱԿԱԼԻՆ ամենայն Ռուսաց Ս. Էջմիածնի Հայոց Լուսաւորչական Սինօգում լսեցին զեկուցում. 1891 ամի յուլիսի 31-ին լսելով Սինօգումն Բեսսարաբիայի վիճակի հոգևոր գործերի կառավարչի յայտարարութիւնը (19 յունիս) թ. 57, որով թոյլ է տրուում Ագքիբմանցի պահեստի զօրքի պորուչիկ Մկրտիչ Երամեանցի պսակը Եղիսաբեթ Սիմէոնեանի հետ ազգականութեան հինգերորդ աստիճանում, հետևեալ պատճառով. «որովհետև Բեսսարաբիայի վիճակում հայ ազգի թիւը շատ քիչ է, շատ և շատ անհրաժեշտ է զիջանել այդ թեմի կառավարչի խնդրքին, օրինակ առնելով հոգե-

լոյս Տէր Մակար Հայրապետի տնօրինութիւնը Յովհաննէս Սարգիսեանի՝ օրիորդ Եւգինէի հետ պսակուելու թոյլտուութեան վերաբերութեամբ, որ հինգերորդ աստիճանի ազգականութիւն է և որի մասին Սինօդը անյեալ տարուայ օգոստոսի 30-ին հրաման է տուել Կոնստանտնուպոլիսի թ. 3202, ուստի պատուիրել նոյն Կոնստանտնուպոլիսի թոյլ տալ վերոյիշեալ խօսեցեալների պսակը, ոչ յօրինակ այլոց, յարգելով վերոյիշուած հանգամանքները նրանց կեանքի վերաբերութեամբ, որ չմնան մծղնէութեան մեղքում, գայթակղեցնեն շատերին և դատապարտուին»։ Այս օրագիրը ստորագրում են Ամենապատիւ տէր Տեղակալը և գերապատիւ անդամներ՝ Սուքիաս Ներսէս և Սարգիս Եպիսկոպոսները, իսկ Արխատիէս Դաւթեան սրբազան Եպիսկոպոսը ձեռնպահ է մնում, չտալով օրինասահման կարգով իւր կարծիքը։ Եւտոյ արձակում է օրագիրը Պրօկուրորի պաշտօնակատարից։ Մի քանի օրից Եւտոյ այդ պսակի հրամանը յանուն Կոնստանտնուպոլիսի Հայոց Բեառաբիոյ գրւում է Ատենում ստորագրուելու համար, բայց սրբազան Սուքիաս Եպիսկոպոսը պատառում է այդ հրամանը օրագրի սեւագրութեան հետ միասին և պահանջում է դատաստանական մասին գործաւարձ՝ Բենիամին տէր Գրիգորեանից իսկական օրագիրը և տալիս է Սրբազան Սարգիս Եպիսկոպոսին, որն և առնելով գրիչը ջնջում է իւր ստորագրութիւնը այդ օրագրի մէջ։ Այս լսելով Ամենապատիւ Տեղակալը՝ պահանջում է այդ օրագիրը և պահում է իւր մօտ։ Իսկ գերապատիւ Սարգիս Եպիսկոպոսը, օգոստոսի 15-ին տալով Սինօդիս յայտարարութիւն, որով խնդրում է վաւերական համարել այդ օրագրի մէջ դիպուածով գծուած իւր ստորագրութիւնը, ստորագրում է պատառուածի փոխանակ նոր գրուած հրամանը, որը նմանապէս պահանջելով Տէր Տեղակալը պահում է իւր մօտ։ Սրանից Եւտոյ Գերապատիւ Արխատիէս Եպիսկոպոս Դաւթեանը օգոստոսի 19-ին տալիս է այսպիսի յայտարարութիւն. «Անցեալ յուլիսի 31-ին Սինօդի ատենումէ՛ երբ դրուեց իմ առաջ Ագքիրմանցի պորուչիկ Մկրտիչ Երամեանի Եղիսաբեթ Աիմէնեան Աստուածատրեանցի հետ պսակուելու թոյլտուութեան օրագիրը ստորագրելու համար, տեսայ որ իմ ստորագրութիւն կամ գրաւոր կարծիք տալուց առաջ ար-

դէն ստորագրուած է միւս Ատենակալներից և պէտք է կատարուէր, նոյն ժամում՝ Սուքիաս և Սարգիս Սրբազան եպիսկոպոսների ներկայութեամբ յայտնեցի բանաւոր, որ այդ արենակցական ազգակցութեան 5-րդ աստիճանի պսակը աններելի է ըստ մեր եկեղեցական կանոնների և թէ իբրև պարզ հոգևոր գործ կախուած է միանգամայն ազգի Հայրապետի բարձր իրաւունքներից: Այս կարծիքի հետ համաձայնելով նոյնն սրբազնութիւնները անմիջապէս պատուիրեցին գործավարին՝ իրենց սխալմամբ ստորագրած այն օրագիրը անգործադիր թողնել և պատրաստել առանձին հրաման Բեսարաբիայի Կոնստանտինոպոլի ծանուցանելու համար, որ այն պսակի վախճանական վճիռը մնալու է մինչև ընտրելի Հայրապետի գահակալութիւնը, որի բնագիրն ստորագրեց Գերապատիւ Սարգիս եպիսկոպոսն և ես բայց թէ ինչեւ չէ կատարոււմ՝ Անդամների այս վերջին պատուէրը, այդ ինձ անյայտ է մնում: Այս ամենը յայտնելով Ս. Սինօզիդ, խնդրում եմ խոնարհաբար նախ՝ եթէ հնար է գերադասել մեր եկեղեցական կանոնների պահպանութիւնը և Սրբազնագոյն Կաթողիկոսի իրաւասութիւնը պարզ հոգևոր գործերում, թողնելով այն պսակի թոյլտուութեան վճիռը մինչև նրա գահակալութիւնը, իսկ եթէ ոչ՝ անպարտ և անբառիր համարել ինձ ապագայ մեղադրանքներից այս գործի վերաբերութեամբ, երկրորդ՝ խնդրում եմ փարատել իմ տարակուսանքս, թէ արդեօք ի՞նչ հարկեցուցիչ պատճառներ կային, որոնցից ստիպուած աւելորդ է համարուած կանխաւ իմաց տալ ինձ՝ այդ գործի օրագրում ստորագրելու կամ կարծիք յայտնելու, մինչդեռ իբրև կրտսերագոյն անդամ ինձնից պէտք է սկսուէր ստորագրութիւնը և ես բնաւ չեմ եղել բացակայ, ուստի և այդ տեսակ վարուելը համարուում է ակնյայտի շեղումն օրինական կարգից և կամ արհամարհումն անդամակցական պաշտամանս, և երրորդ՝ որովհետև այն օրագիրը կազմելիս չէ պահպանուել օրինական կարգը, ուստի և ըստ իմ կարծեաց հարկաւոր է թողնել այն անկատար, իբրև զուրկ օրինական զօրութիւնից: Յետոյ գերապատիւ Սուքիաս եպիսկոպոսը նոյն օգոստոս ամսի 20-ին տալիս է այս յայտարարութիւնը. «Ազգիւմանցի պահեստի զօրքի պորուչիկ Մկրտիչ Երամեանի Եղիսաբեթ Սիմէօնեան

Աստուածատրեանցի հետ արենակցութեան հինգերորդ աւտիճանի պսակը տնօրինող օրագրում, որ կայացել է անցեալ յուլիսի 31-ին, եղած իմ ստորագրութիւնս յետոս եմ կոչում յետագայ յարգելի պատճառներով. նախ՝ խօսեցեալների պսակադրութիւնը արենակցութեան հինգերորդ աստիճանումն է, որպիսին եկեղեցու Հայրապետները շատ քիչ են թոյլ տուել, ապօրինի ճանաչելով այդպիսիների գաղտնի պսակադրութիւնը և պատուհասելով պսակադիրներին, ինչպէս յայտնի է Ատենիդ գործերից: Երկրորդ՝ մի քանիսների հեռագրով և նամակով ինձ արած միջնորդութիւնները այդ պսակի թոյլտուութեան համար անցեալ փետրուար ամսին Հոգեւոյս Հայրապետից բացասուեցին, որի մասին հաղորդեցի միջնորդներին: Եւ երրորդ՝ այդ պսակի թոյլտուութեան վերջին բարեխօսը այս տարուայ յունիս ամսին ներկայանալով ինձ՝ հաւատացրեց թէ Ատենիդ բոլոր Անդամները համաձայնում են այդ պսակադրութեանը, յանձն առնելով միջնորդել առաջի ընտրելի Քահանայապետին ազգիս, և ես միայն եմ, որից խնդիրն սպասում է վախճան առնել: Աւելորդ չեմ համարում մէջ բերելու և յետագայ իրողութիւնները. երբ առարկութիւն կար յիշուած պսակի թոյլտուութեան համար՝ Սրբազան Սարգիս եպիսկոպոսն ասաց՝ թէ ի յարգանս իմ ստորագրութեան ցուցել է նա համաձայնութիւն այն օրագիրն ստորագրելու, որը ըստ ուղիւ տեսութեան և համոզմանց Աինօղի գործն ու արտօնութիւնը չէ, այլ վերաբերում է եկեղեցու Քահանայապետին իբրեւ սոսկ կրօնական խնդիր: Եւ երբ որ նրան յայտնեցի միջնորդի ինձ ասած խօսքերը, նա Սարգիս եպիսկոպոսը, արգար բարկութեամբ իմ և Գերապատիւ Արիստակէս (Դաւթեան) եպիսկոպոսի ներկայութեամբ գծեց իւր անուան ստորագրութեան վրայ՝ եղծելով իւր ստորագրութիւնը և այն օրից մինչև այսօր բերանացի, Պրօկուրորի և Ատենադպրի պաշտօնակատարների միջոցով, Սրբազան Անդամների ներկայութեան ծանուցել եմ միշտ իմ անհամաձայնութիւնս Աինօղի Ատենապետի Գեր. Տեղակալին, և այժմն էլ գրով յայտնելով Սրբազան Աինօղիդ, խնդրում եմ յարգոյաբար, եթէ հնար է, թողնել այս խնդիրը ցընտրութիւն և օծութիւն Հայրապետի ամենայն Հայոց, որով

յարգուած կլինին Յայրագոյն Պատրիարքի և ամենայն Հայոց Կաթողիկոսի իրաւունքն ու արտօնութիւնը, պատուած կլինին սրբազան Ատենակալների միութիւնն ու համերաշխութիւնը, և որ աւելի գլխաւորն է, յարգարւում է բացասութեան շաւիղ նմանօրինակ չհասութիւնների համար, հաւատաւոր ժողովրդեան մոլքերի անդորրութեան համար: Սինօդի չորս անդամներ՝ Սուքիաս, Ներսէս, Սարգիս և Արիստակէս (Դաւթեան) եպիսկոպոսները լսելով Ատենում՝ այս երեք յայտարարութիւնները, արժան են վարկանում չիք դարձնել իսկական օրագիրը, որ գտնւում է Տէր Տեղակալի մօտ, ուստի և Սուքիաս եպիսկոպոսը ուղարկում է Սինօդի կարգապահ Պ. Յովակիմ Շամբորեանցին օրագիրը պահանջելու: Ամենապատիւ Տեղակալը պատուիրում է Շամբորեանցին ծանուցանել, թէ այդ օրագիրը, որ ընդունել է օրինական զօրութիւն, Սինօդն ինքնին չէ կարող ոչնչացնել, թող մնայ այդ մինչև Պ. Պրոկուրորի վերդարձը, որի հետ խորհրդակցելով Ատենում անենք, ինչ որ արժանն է, որպէս զի օրէնքի ընդգէմ՝ որ և է բան չկատարուի: Սակայն Գեր. Սուքիաս եպիսկոպոսը ունկնդիր չլինելով Տ. Տեղակալի խօսքերին, կազմում է օրագիր, անցեալ սեպտեմբերի 9-ին, տուելով թէ պէտք չէ սպասել Պրոկուրորի դարձին, որովհետև այս պսակը լինելով զուտ հոգեւոր գործ բնաւ տեղիք չկայ Պ. Պրոկուրորի միջամտութեանն ու խորհրդին, այլ հրամայում է ի չիք դարձնել Յուլիսի 31-ի օրագիրը, իսկ վերոյիշեալ խօսեցեալների պսակի թոյլտուութիւնը թողնել մինչև ընտրելի Քահանայապետի հայրապետութեան գահը բարձրանալը: Այս մտքով էլ գրւում է հրաման Բեսսարաբիայի կոնսիստորիային սեպտեմբերի 10-ին, թ. 3439, որը ստորագրուելով նրանից (Սուքիաս Արքագանից), առաքւում է նամակատունը և ապա գրութեամբ, նոյն ամսի 11-ին, թ. 3481, ետ է պահանջւում այնտեղից և կցւում է գործի հետ: Այն օրագիրը, որից գրուել էր հրամանը, սեւագրովն հանդերձ պահւում է իւր մօտ Սուքիաս եպիսկոպոսը և տալիս է կազմել ուրիշ օրագիր նոյն մոլքով, միայն առանց մէջբերելու Գեր. Սարգիս եպիսկոպոսի յայտարարութիւնը, որով վաւերական էր համարում (Սարգիս եպիսկոպոսը) իւր ջնջած ստորագրութիւնը: Պրոկուրորի պաշտօնակատարը անհամաձայն լինելով այդ օրագրին,

չէ արձակում այդ, և ուղարկում է Սինօզը Երամեանցի հեռագրով բողոքի պատճէնը, յուլիսի 31-ի օրագրի կատարումը փութացնելու համար։ Սրանից յետոյ Սուքիաս եպիսկոպոսը նոյն ամսի 22-ին ինքն իւր ձեռքով յօրինում է հետեւեալ օրագիրը. «1891 ամի, սեպտեմբերի 22-ին, ըստ հրամանի ՆՈՐԻՆ ԿԱՅՍԵՐԱԿԱՆ ՄԵԾՈՒԹԵԱՆ ԻՆՔՆԱԿԱԼԻՆ ամենայն ռուսաց Ս. Էջմիածնի Հայոց Լուսաւորչական Սինօգում լսեցին պրոկուրորի պաշտօնակատար պ. Սիմէոն Փիլիպպոսեանցի գրութիւնը, (21 սեպտ. թ. 52), որի մէջ գրուած է. «Կարգալով Սրբազան Սինօգիգ օրագրութիւնը, որ կազմուած է ամսի 9-ին և հասցրած է ինձ 19-ին, առանց Ատենապետի Տ. Տեղակալի ստորագրութեամբ հաստատութեան, որով Սինօգ վճռում է փոխել իւր վճիռը, տրուած այս տարուայ յուլիսի 31-ին պրուէիկ Մկրտիչ Երամեանցի պատկի համար, գտնում եմ այդ օրագիրը հակառակ 1876 ամի օրինաց I մասի, II հատորի, 250, 738, 739 և 740 յօդուածների, ուստի և իմ անհամաձայնութեան ցուցումով վերագործնում եմ Սինօգը»։ Ներկայ գրութեան մէջ յառաջ բերուած օրէնքի յօդուածներից երեւում է, որ նախ՝ Ատենապետերը իրաւունք ունին փոփոխել իրենց եզրակացութիւնը, երբ տակաւին օրագիրը չէ յայտնուած, չէ ստորագրուած բոլոր Ատենականներից և չէ կատարուած և երկրորդ՝ օրագիրը օրինական զօրութեան մէջ է մտնում, եթէ ստորագրուած է անդամների, հաստատուած է նահանգապետից և արձակուած է Պրոկուրորից և ընդ ՏԵՂԵԿՈՒԹԻՒՆ. ԳԵՐ. Սուքիաս և Արիստակէս (Դաւթեան) եպիսկոպոսների գրաւոր վարկումներից, որ արձանագրուած են ամսիս 9-ին կայացած օրագրում, երեւում է Ա. որ Ատենիս օրագիրը կազմուած այս տարուայ 31-ին, կայացել է և արձակուել է պրոկուրորի պաշտօնակատարից առանց գիտութեան, ստորագրութեան և կամ գրաւոր կարծեաց Սրբազան Արիստակէսի (Դաւթեան)։ Բ. ԳԵՐ. Անդամներ՝ Սուքիաս և Սարգիս եպիսկոպոսները թէև ստորագրել են այն օրագիրը, բայց առաջինը նրանցից գրաւոր գիտողութեամբ համարել է իւր ստորագրութիւնը անվաւեր, իսկ երկրորդը՝ գծելով իւր անուան ստորագրութեան վրայ եղծել է, այն պատճառով, որ ըստ կանոնաց

Հայաստանեայց եկեղեցու և Պետութեան օրինաց չհասական պատկազրութեանց թոյլտուութիւնը վերապահուած է Մայրագոյն Պատրիարք Կաթողիկոսի իրաւանց: Գ. Սինօզի Անդամ Գեր. Ներսէս եպիսկոպոսը թէև յետոյ չէ կոչել իւր ստորագրութիւնը կամ եղծել, սակայն համաձայնել է իւր միւս երեք աթոռակիցների կարծեաց հետ, եւ Գ. յուլիսի 31-ին կազմուած օրագիրը անկատար է մնում ցայսօր Սինօզի Ատենապետի Տեղակալի մօտ, որը կարգապահ Պ. Յովակիմ Շամբորեանցի ձեռքով յայտնել է, թէ այս գործը մնայ առանց ընթացքի մինչև Պրօկուրորի վերադարձը, որի հետ և խորհուրդ անելով՝ կամ կատարել կամ արգելել: Ատենիս չորս անդամները կշռադատութեան առնելով այն օրագրի տարականոն կազմութիւնը, որը Ատենապետի Գեր. Տեղակալը չէր դարձնում Սինօզ, որ փոփոխենք, ստիպուած եղան առանձին օրագրութիւնով, ամսիս 9-ին, երամեանցի պսակի թոյլտուութիւնը թողնել անկատար մինչև նոր Հայրապետի ընտրութիւնը, համարելով այդ իրենց իրաւունքներից բարձր: Սինօզս հրահանգուած Լսուաւորչական Հայոց եկեղեցու կառավարութեան վերաբերեալ Բարձրագոյն Կարգադրութեան (Պրոթենիէ) 25, 37, 40, 41 և 42 յօդուածներով՝ պարզ հոգևոր գործերի և ամուսնութիւնների օրագրութեանց հաստատութիւնը և նրանց վախճանական վճիռը, մանաւանդ երբ պսակը կատարուելու է արեւակցութեան մերձաւոր աստիճանում, համարում է ազգիս Սրբազնագոյն Քահանայապետի արտօնութիւնը, որը վարուելու է այգպիսի խնդիրներում եկեղեցու սուրբ հարց կանոններով: Նկատելով և այն, որ Պրոկուրորի պաշտօնակատարի գրութեան մէջ յառաջ բերուած յօդուածները թէև ըստ էութեան չեն վերաբերում չհասական գործերի, բայց և այնպէս՝ ըստ արտաքին ձևապահութեան ոչ միայն հակառակ չեն՝ դեռ ևս չը կատարուած վճիռների փոփոխութեանը, այլ ուղղակի համեմատ են Սինօզիս ամսի 9-ի օրագրական եղրակացութեանը, Ատենիս վարանում է թէ արդեօք պ. պաշտօնակատարի անհամաձայնութիւնը առաջացել է ջերմեռանդն և հաւատարիմ օրինապահութիւնից և հսկողու-

թիւնից, որին չէ ենթարկուում այդ կրօնական խնդիրը, թէ յանուն օրինաց անօգուտ տարաձայնութիւններ յարուցանելու կամակոր յօժարութիւնից, որով և նկրտում է յուլիսի 31-ի օրագրի վճռի կատարումը ձեռք բերել, այն օրագրի, որը աճապարել է անկանոնաբար արձակել, նրան օրինական զօրութիւն տալու համար, առանց պատկառելու երկու անդամ եպիսկոպոսների կարծիքներից, որոնցից մինը չէր ստորագրել և միւսը արդէն եղծել էր իւր ստորագրութիւնը: Եւ ոչ այսչափ միայն, այլ (պ. պաշտօնակատարը) ձեռաց իմաց է տուել պսակատէր Երամեանցին Սինօգի վճռի մասին և յարուցել է նրան հեռագրական պիտակով բողոքաւոր դէպի ինքը Սինօգի վրայ: Երամեանցը բողոքել է պսակադրութեան հրամանը ուշանալուն համար, ինչպէս այդ տեսնուում է ամսիս 18-ի, համար 50 գրութիւնից: Պրոկուրորի պ. պաշտօնակատարը Բարձրագոյն Կարգադրութեան վերոյիշեալ յօդուածների ցուցումներին իբրեւ գիտակ, կարող էր ըստ տրամադրութեան այդ յօդուածների ձգտել գործի խաղաղական վախճանին, կամ թողնել այդ գործի պատասխանատուութիւնը պ. Պրոկուրորին, որն եօթնօրեայ ժամանակով հեռանալով այստեղից յանձնել է իրեն պաշտօնի վարումը և ահա գրէ՛թէ չորս ամիս ուշացնում է իւր վերադարձը: Բայց ի զարմանս Ատենիս անդամների (պ. պաշտօնակատարը) այնչափ բուռն եռանդով հակառակում է օրագրական եզրակացութիւններին, որ մինչև անգամ հեռագրով ստանում է թղթերի թուահամարներ Դիլիջան աւանից (որտեղ գտնւում է պ. Պրոկուրորը) և պ. Պրոկուրորի հետ միաժամանակ արձակում է յանուն Սինօգի գրութիւններ և ապշեցնում է մեր մոքերը, թէ ո՞ր օրէնքով կամ ո՞րպիսի անհրաժեշտ հարկից ստիպուած Պետութեան օրէնքների երկոքին հսկողները միջամտում են Ատենի գործառնութիւններին: Աչքի առաջ ունենալով վերոբերեալ հանգամանքները ՀՐԱՄԱՅԵՅԻՆ՝ Սինօգիս օրագրական եզրակացութիւնը, որ կայացել է ամսի 9-ին՝ պորուչիկ Մկրտիչ Երամեանցի օրիորդ եղիսաբեթ Սիմէոնեան Աստուածատրեանցի հետ պսակադրութեան թղլտուութիւնը ցգահակալութիւն ընտրելի Հայրապետին թողնելու համար,

ձայների առաւելութեամբ ածել ի կատար և այս օրագրի պատ-
ճէնը ուղարկել Պրոկուրորի պ. պաշտօնակատարին ի տեղեկու-
թիւն:» Երամեանցը չստանալով պատասխան իւր այն հեռագրին՝
գիմում է պ. Պրոկուրորին ուրիշ հեռագրով նոյն ամսի 29-ին և
խնդրագրով՝ հոկտեմբերի 7-ին, որոնցից առաջինն է այս. «Այս
տարուայ յուլիսի 31-ին Էջմիածնի Սինօգր կազմել է օրագիր իմ
պսակը թոյլ տալու համար, որը մինչև հիմայ չէ կատարուում: Յայտ-
նելով ի գիտութիւն Ձերդ Գերազնութեան, պատիւ ունիմ խո-
նարհաբար խնդրել՝ անել Ձեր կողմից կախուած կարգադրութիւնը
շուտափոյթ կատարելու համար յիշեալ օրագիրը: Իսկ վերջինն ու-
նի այս օրինակը. «Ս. Էջմիածնի Սինօգր իւր վճռով այս տարուայ
յուլիսի 31-ին, որ արձակուած է նոյն իսկ օրը Ձեր պաշտօնա-
կատար՝ Սինօգի ատենադպիր պ. Փիլիպպոսեանցից, յարգեց Բես-
սարաբիայի կոնսիստորիայի միջնորդութիւնը թոյլ տալով իմ
պսակս օրիորդ Եղիսաբեթ Սիմ. Աստուածատրեանցի հետ, ազ-
գականութեան 5-րդ աստիճանում: Որովհետև երկար ժամանակ
կոնսիստորիան չէ ստացել այդ պսակի հրամանը, ստիպուեցայ
հեռագրով խնդրել Սինօգի Ատենապետի Տեղակալ Երեմիա Եպիս-
կոպոսից և Ձեր պաշտօնակատար պ. Փիլիպպոսեանցից, որ շու-
տով կատարուի Սինօգի վճիռը: Իմ հեռագիրներս մնացին առանց
հետևանքի: Որից յետոյ ստանալով տեղեկութիւն ուրիշների ձեռ-
քով իմացայ նախ՝ թէ օգոստոսի 19-ին Սինօգի անգամ՝ Սուքիաս
և Արիստակէս (Դաւթեան) Եպիսկոպոսները տուել են յայտարա-
րութիւն, որ իմ գործը իբրև զուտ հոգևոր գործ, ըստ զօրու-
թեան XI հատորի, I մասի, 945 յօդուածի, կախուած է Պատ-
րիարք-Կաթողիկոսի իրաւունքներից և ոչ Սինօգից. երկրորդ՝
ինչպէս երևում է այդ յայտարարութիւնից, Սինօգի Դիւանատան
մէջ, առանց կանխապէս խորհրդածութեան ընդհանուր Ատե-
նում, այսինքն՝ առանց գիտութեան Նախագահի և Պրոկուրորի
վճռել են՝ իմ գործը թողնել մինչև Պատրիարքի ընտրութիւնը, և
երրորդ՝ այդ օրագիրը ստորագրել են Սինօգի չորս անգամներ՝
Սուքիաս, Ներսէս, Սարգիս և Արիստակէս (Դաւթեան) Եպիսկո-
պոսները, որոնցից երեք առաջինները, յուլիսի 31-ին, Նախագա-

Հի հետ միասին վճռել են թող տալ իմ և օրիորդ Եղիսաբեթի պսակը, իսկ վերջինը բոլորովին չէ միջամտել գործին: Ուստի՝ ուշադրութեան առնելով, որ Սինոդն իւր տեսչութեան տակ ունի բացի ուրիշ գործերից և պսակի գործերը (Օրինաց հատ. XI, I մասն, 7 պ. 938 յօդ.), որ Սինոդը այդ հիման վրայ Մակար կաթողիկոսի մահից յետոյ վճռել է պսակի շատ գործեր, որ ըստ զօրութեան նոյն օրինաց 943 և 946 յօդուածների, Սինոդը պարտաւոր է քննել գործերը համաձայն՝ առհասարակ կողեգիական հաստատութեանց համար սահմանուած կանոնների, որ ըստ 60, 89, 90, 140 և այլն յօդ. I Մասին, II հատ. կողեգիական հաստատութիւնների մէջ նիստերը նշանակուում են ընդհանուր ատենուում, բացուելով և փակուելով Նախագահի հրամանով, և որ՝ համաձայն նոյն օրինաց 174, 185, 282 և 795 յօդուածների ճշգրիտ մոքի՝ երբ ատենական տեղերի վախճանական վճիռները գրուելով վերջնական ձևով՝ ստորագրուում են նիստին մասնակցող բոլոր անդամներից և արձակուում են Պրոկուրորից՝ համարուում են անփոփոխելի, կատարուում են փութով և կարող են փոփոխուիլ միմիայն Բարձրագոյն Իշխանութեամբ: Տեսնում եմ, որ Սինոդի անդամ՝ Սուքիաս և Արիստակէս (Դաւթեան) եպիսկոպոսներից տրուած յայտարարութիւնը իմ գործի վերաբերութեամբ, և այդ յայտարարութեան վրայ հիմնուած վճիռը՝ թէ ըստ էութեան և թէ ըստ եղելութեան կարգի, զրկուած են օրինական նշանակութիւնից և թէ՝ Սինոդի յուլիս 31-ի վճիռը, ինչպէս կանոնաւոր կազմուած և լրացած վճիռ անկարելի է փոխել որ և է պատճառով Սինոդի մէջ: Առաջ բերուածների հետ ունենալով ի նկատի և օրինաց XI հատորի I մասի, 948 և 949 յօդուածները, համարձակուում եմ գիմել Ձեր Գերազնութեանը խոնարհագոյն խնդրանքով, որ պահպանուի իմ գործի քննութեան օրինական կարգը և Սինոդի յուլիս 31-ի վերջնական վճիռը փութով կատարել տրուի: Պ. Պրոկուրորը՝ ուղարկելով Սինոդը այս խնդիրն ու վերոյիշեալ հեռագիրը, խնդրում է փութանակի ծանուցանել իրեն Սինոդի արած կամ անելի տնօրէնութիւնը այս գործի վերաբերութեամբ, որ յայտնէ աղեր-

սարկուին: Սրանից յետոյ Ատենադպիրը՝ պ. Սիմէոն Փիլիպպոսեանցը, յայտնում է հետևեալը. 1876-ին լոյս ընծայուած Կայսերութեան օրինաց Ա. մասի, բ. հատորի, 153 յօդուածի զօրութեամբ իրաւունք եմ համարում յիշեցնել Սրբազան Սինօդի, որ նոյն հատորի 250, 738, 739 և 740 յօդուածների համաձայն պէտք է այս գործը առաջի առնել Տնօրէն Ներակուտին ի տնօրէնութիւն: Որի յետոյ մտնում են Սինօդը նախ՝ յունուարի 13-ին Սինօդի անգամ Գերապատիւ Սարգիս եպիսկոպոսի յայտարարութիւնը, որ է հետևեալը. «Մի քանի օր առաջ, Ագ. քիրմանցի Երամեանցի պատկի գործի մասին անգամներիս միմեանց հետ խօսելուց և իրար կարծիք լսելուց յետոյ, ես պ. Ատենադպրից պահանջեցի տալ ինձ այս գործը նորից կարգալու համար, նա պատասխանեց թէ կտայ թերթահամարելուց յետոյ: Անցան մինչև այժմ ոչ սակաւ օրեր և նա չկատարեց: Մի կողմ թողած և այն, որ մինչև այսօր ես երբէք չեմ լսել կամ տեսել, որ երբ Սրբազան Սինօդի անգամները որ և է գործ պահանջեն՝ այդ գործին աւելի ծանօթանալու և հանգամանքներին տեղեկանալու համար, այդպիսի թերթահամարութեան երկբայանաց և կասկածանքի խօսքեր լսեն: Ամիս 11-ին Սինօդի Ատենում գարձեալ յիշելով պահանջեցի պ. Ատենադպրից այն գործը, բայց զարմացայ, երբ նա պատասխանեց թէ՝ պ. Պրոկուրորն ուզեց այն գործը, տարայ նորան, այժմ էլ նորա մօտ է: Այս եղելութեան համար պարտականութիւն եմ համարում օր առաջ յայտնել Ատենիդ և խնդրել Ձեր պատշաճաւոր տնօրէնութիւնը: Ինչպէս շատ անգամ ասել եմ ես Սինօդի Ատենումը և այն ժողովում, որ տեղի ունեցաւ Ամենապատիւ Տ. Տեղակալի մօտ, ուր ներկայ էր և պ. Պրոկուրորը, ես երբ իմ ստորագրութիւնս ջնջեցի Սինօդիդ անցեալ տարուայ յուլիսի 31-ի օրագրութեան մէջ (Երամեանցի պատկի գործին վերաբերեալ), այդ օրագիրը դեռ չէր ստորագրուած Գերապ. Արիստակէս եպիսկոպոս Դաւթեանից և չէր արձակուած պ. Պրոկուրորի պաշտօնակատար Սիմէոն Փիլիպպոսեանցից, և ինչպէս քաջայայտ է ինձ՝ որ պ. Պրոկուրորի պաշտօնակատարը արձակել է այն օրագիրը իմ ստորագրութիւնս ջնջելուց յետոյ, որպէս զի յաջողեցնէ այդպի.

սով օրինական կերպարանք տալ այն օրագրին, որով և թղլաարել տալ երամեանցի պսակը: Այս ծանրակշիռ հանգամանքի վերաբերութեամբ պատիւ ունիմ խնդրել Սինօզիցի, որ ջանայ քննել վերոգրեալները և ստուգելուց յետոյ անել պարտուպատշաճ տնօրինութիւնը».— և յետոյ՝ Սինօզի անդամ բարեշնորհ Բարդուղիմէոս վարդապետի յայտարարութիւնը, որ է այս. «Պատիւ ունիմ սրանով խնդրել Ատենից չթողնել առանց պարտուպատշաճ տնօրէնութեան Սինօզիս Անդամ Գեր. Սարգիս եպիսկոպոսի ամսիս 13-ին տուած յայտարարութիւնը, որով յայտնում է Նորին Սրբազնութիւնը թէ 1891 ամի յուլիսի 31-ի Մկրտիչ երամեանցի պսակի թղլուութեան օրագիրը խարդաւանօք և կեղծօք օրինական կատարման ձև է ստացել այն ժամանակուայ Պրոկուրորի պաշտօնակատար պ. Սիմէոն Փիլիպպոսեանցից և խնդրում է օրինական քննութիւն: Գործի հանգամանքները լուսաբանելու համար հարկ եմ համարում ասել իմ կողմից, որ յիշեալ երամեանցը փորձել է արծաթով յաջողեցնել իւր պսակի թղլուութիւնը, որը գիտեն և Սինօզիս բոլոր անդամները: Այլ և խնդրում եմ ծանուցանել փութով վերոգրեալների մասին Նորին Գերազնութեան Սինօզի պ. Պրոկուրորին, որ քանի՜ քանի անգամ ստիպողական գրութեամբ պահանջում է Սինօզի Ատենից երամեանցի պսակի գործի վախճանական որոշումը: Այս լսելիս՝ Սինօզի Անդամ Սրբազան Արիստոկէս եպիսկոպոս Սեդրակեանը յայտնեց Ատենում, որ ինքը պարտանձին է համարել մի քանի օր առաջ խնդրել Գեր. Սարգիս եպիսկոպոսից յետ կանգնել քննութիւն պահանջելուց, գիտնալով հաստատ, որչափ ներում են գործի հանգամանքները այդ ասել, որ քննութեան հետեւանքը ծանրանալու է աւելի՝ նոյն իսկ քննութիւն պահանջողի վրայ:

Սինօզիս պ. Պրոկուրորը՝ իւր թ. 2 և 5 գրութիւններով, 1892 ամի յունուարի 12-ին և 20-ին, առաքելով Սինօզս ազերսարիու Մկրտիչ երամեանցի երկու հեռագիրները, որ ուղղուած էին Պրոկուրորին Սինօզի 31 յուլիսի 1891 ամի վճռի կատարումը ազերսելով, խնդրում է շատ օրինական պատճառաբանութեամբ շտապեցնել երամեանցի խնդրին բաւականութիւն

տալ ստորագրութեամբ կամ բացասութեամբ և կամ տալ իրեն տեղեկութիւն այն պատճառների մասին, որոնք արգելք են լինում այդ գործի վճռման, որպէս զի ինքն էլ այդ յայտնէ ազերսարկուն: Իսկ նոյն ամսի 23-ին, Նորին Գերազնութիւնը գիտնում է Սինօգիս այս գրութեամբ (թ. 6). «Սինօգիգ գործերից քաջ յայտնի է ինձ, որ դեռ ևս յուլիս ամսում (1891 ամի) վճռուած էր Ագգիւրման քաղաքի պաշտօտի զօրաց Պրասպօրչիկ Երամեանցի 5-դ աստիճանի ազգակցութեան ամուսնութեան գործը, բայց Սինօգիգ մի քանի Անդամների արած ընդդէմ՝ օրինաց գործողութիւնների, այն է՝ Սուքիաս, Ներսէս և Սարգիս Եպիսկոպոսների արածների պատճառով այդ գործը յեղաշրջուել է մի և նոյն անդամների ձեռքով, որոնցից վերջինը ջնջել է իւր ստորագրութիւնը օրագրի վրայից՝ Պրոկուրորի պաշտօնակատարից այդ օրագիրը արձակուած լինելուց յետոյ: Միևնոյն անդամների առաջին վճռով և Պատրիարքի Տեղակալի համաձայնութեամբ թոյլ էր տրուած Երամեանցին մտնել 5-դ աստիճանի ազգակցութեան ամուսնութեան մէջ, իսկ այդ երկրորդ վճիռը փոփոխուած է առանց մասնակցութեան և գիտութեան Տեղակալի, որով բացասուել է միևնոյն պսակը և բացասական Հրամանը, ստորագրուած Սուքիաս Եպիսկոպոսից, յետ է պահանջուել և ստացուել նամակատանից: Գործը այդ գրութեան մէջ՝ գրուեց նոր Անդամների առաջը, որոնք պաշտօնի էին մտել անցեալ տարուայ հոկտեմբերի 16-ին, և այդ օրից սկսուած այդ գործը գտնուում է կիրառութեան և վճռահատութեան մէջ, բայց մինչև այսօր վախճան չէ առել, չը նայելով որ այդ գործի համար շատ անգամ նիստ է կազմուել թէ պաշտօնապէս՝ Սինօգի Ատենում և թէ ի մասնաւորի, արտաքոյ Սինօգի, համաձայն իմ պահանջներին գործին շուտափոյթ վախճան տալու համար: Բացի դրանից՝ այս օրերս Սինօգի Անդամ Սարգիս Եպիսկոպոսը տուեց առանձին յայտարարութիւն իւր ձեռքով իւր ստորագրութիւնը օրագրում ջնջելու գործը հետագօտելու համար, որ իմացուի թէ արդեօք այդ ստորագրութիւնը ջնջուել է Պրոկուրորի պաշտօնակատարից օրագիրը արձա-

կուելուց առաջ, թէ՞ արձակուելուց յետոյ: Իսկ Սինօզի միւս անգամը՝ Բարդուղիմէոս վարդապետը տուեց յայտաբարութիւն պահանջելով որ անպատճառ քննուի այդ գործը, ինչպէս որ պահանջում է յայտաբարութեամբ Սարգիս եպիսկոպոսը, որովհետեւ (ասում է Բարդուղիմէոս վարդապետը) այս գործում եղել են նաեւ կաշառմունք: Ուրեմն զանազան պատճառներով գրեթէ կէս տարի ժամանակ գործը վախճան չառաւ, յատկապէս այն պատճառով, որ Սինօզի Անդամներին ցանկալի չէ գործին ընթացք տալ պատշաճաւոր կարգով, այլ ենթադրում են՝ կամ ըստ ամենայնի թողնել այդ գործը առանց ընթացքի մինչեւ ցընարութիւն Նոր Հայրապետի և կամ թէ՛ յանձնել քննին եղծումների և կաշառմանց քննութեան համար: Առնելով ի նկատի, որ օրինաց II հատորի 250 յօդուածի համաձայն՝ ինչպէս դատաստանական, նոյնպէս և վարչական ատեաններին արգելուած է փոփոխել իրենց սեպհական վճիռը, — որ այս գործի մասին արդէն միանգամ փոփոխուել է Սինօզիդ վճիռը, — որ այժմ Սինօզիդ այս կամ այն նոր վճիռը ըստ էութեան լինում է երկրորդ փոփոխումն վճռի, այս հաշուով կարող է ուրեմն պատահել և երրորդ վճիռ, և թէ ըստ 940 յօդուածոյ XI հատորի Սինօզը Ռուսաց կայսերութեան մէջ բնակուած հայերի գործերի մասին ենթարկւում է կառավարիչ Սենատի և Ներքին գործերի Նախարարի տեսչութեանը, — ուստի իմ կարծիքով Նրեմեանցի գործը, առանց գնելու նոր վճիռ ըստ էութեան, պէտք է ուղարկել փութով ի բարեհայեցողութիւն կառավարիչ Սենատի, Ներքին գործոց Նախարարի ձեռքով, որպէս ղի վերաքննուի Սինօզի վճիռը և օրէնսդրւում գործողութիւններին մասնակցող անձերի մասին կարգադրութիւնը: Այս մասին պարտք եմ համարում յայտնել Սինօզիդ, թէ ըստ զօրութեան II հատորի III հատուածի 1233, 1236 և 1238 յօդուածների, և թէ ըստ զօրութեան այն բանին, որ ներկայ գործում տեսնւում են այնպիսի օրէնսդրւող գործողութիւններ, որոնք կապ ունին Սինօզիդ անդամների քննութիւն պահանջելուն հետ, և այդ օրէնսդրւող գործողութիւնները ոչ մի կերպով չեն կարող

մնալ լուծեան մէջ մինչև ցընարութիւն Նոր Հայրապետի, այլապէս ասած՝ անորոշ ժամանակով:» Աինօգիս անգամ բարեշնորհ Բարդուղիմէոս վարդապետը իւր յայտարարութեան մէջ 24 յունուարի, թ. 4 ի միջի այլոց յայտնում է, թէ «չերեւեցաւ գործի մէջ Երեմեանցի պատկի արգելման երկրորդ օրագրի սեւագրութիւնը, որը յիշատակում է իւր յայտարարութեան մէջ Գեր. Արիստակէս եպիսկոպոսը (Գաւթեան), անցեալ ամի, 19 օգոստոսի, գրելով որ ստորագրել են այդ սեւագրութիւնը ինքն ու Գեր. Սարգիս եպիսկոպոսը:» Այս բանի մասին պահանջուեց բացատրութիւն գործաւորի պաշտօնակատար Բենիամին Տէր-Գրիգորեանից, յունուարի 31-ին: Այդ բացատրութիւնն է հետեւեալը. «Աինօգիդ Ատենապետի Ամենապատիւ Տէր Տեղակալի պատուէրի համաձայն պատիւ ունիմ խոնարհաբար պարզաբանել Ատենիդ առաջ, որ երբ Գերապատիւ Անգամ Սրբազան Սարգիս եպիսկոպոսը իւր ստորագրութիւնը ջնջեց յուլիս 31-ի (1891) օրագրութեան վրայ, որն արդէն արձակուած էր Պրոկուրորի պաշտօնակատարից, այն ժամանակ չորս անգամներ՝ Սրբազան Սուքիաս, Ներսէս, Սարգիս և Արիստակէս (Գաւթեան) եպիսկոպոսները հրամայեցին ինձ գրել նոր օրագիր, Երեմեանցի պատկը մինչև ապագայ Հայրապետի ընտրութիւնը թողնելու համար, առանց յիշելու որ և է բան այն անցքի մասին, որ պատահել էր առաջին օրագրին, որով թողատրուած էր մի և նոյն պատկը: Այդ պատուէրի համաձայն պատրաստեցի սեւագիրը և գրի Ատենում և այդ իմ պատրաստածի վրայ գրեցին իրենց անունները Գեր. Սարգիս և Արիստակէս (Գաւթեան) եպիսկոպոսները: Երկրորդ օրը երբ Սրբազան Անգամները լսեցին, որ յուլիս 31-ի օրագիրը գտնւում է Ամենապատիւ Տեղակալի մօտ, չը կարողացան ի կատար ածել իրենց որոշումը պատրաստուած սեւագրի համաձայն, որն և իբրև մի աւելորդ թուղթ վերցրին Ատենից, մտածելով որ յուլիս 31-ին կազմուած օրագիրը իբրև վախճանական պահուած է Նորին Ամենապատուութեան մօտ: Յետոյ՝ Գեր. Սարգիս եպիսկոպոսը օգոստոսի 15-ին, Գեր. Արիստակէս (Գաւթեան) եպիսկոպոսը նոյն ամսի 19-ին և Գեր.

Սուքիաս եպիսկոպոսը 20-ին տուին յայտարարութիւններ, առաջինը այն մտքով, որ վաւերական համարուի իւր ջնջած ստորագրութիւնը, երկրորդը և երրորդը այն մտքով, որ պատկը թողուի մինչև ընտրելի Քահանայապետի գահակալութիւնը: Դարձեալ Սինոդի Անդամ բարեշնորհ Բարդուղիմէոս վարդապետը տուեց մի յայտարարութիւն նոյն ամսի 30-ին, թ. 5, այսպիսի բովանդակութեամբ. «Ամսիս 25-ին վերստին յանձնուեց ինձ Ագգիբմանցի Մկրտիչ Երեմեանցի պատկի գործը, ժապաւինուած և թերթահամարուած, այլ և նրա հետ միասին պ. Պրոկուրորի գրութիւններ (12-ի, 20-ի, 22/23-ի, և 23-ի ՆՆ 2, 5, X և 6) թարգմանութիւնները: Իսկ Անդամ Արիստակէս եպիսկոպոս Դաւթեանի ձեռքով ստացայ 26-ին Սարգիս եպիսկոպոսի յայտարարութիւնները ամսիս 13-ին և իմ յայտարարութիւնները ամսի 21-ին և 24-ին, ՆՆ 3, 4. սրանց հետ միասին և Պ. Բեռիամին Տէր Գրիգորեանցի բացատրութիւնը (24 հոկտ. 1891 ամի), որը երբ առաջին անգամ ամսիս 23-ին յանձնեցին ինձ այդ գործը ժապաւինուած և թղթահամարուած, չը կար այդ թուղթը գործի մէջ, որի մասին ծանուցանումեմ Ատենիդ ի գիտութիւն: Յարակցելով նաև որ երեկ բերանացի զեկուցանելով և ցուցանելով յիշեալ բացատրութեան թղթի կեղծութիւնը, ի ներկայութեան և հրամանաւ Տ. Անդամների ծրարուեց այդ բացատրութիւնը ուրիշ թղթերի և մտեալ թղթերի կցորդման (1891 ամի) հետ և պահուում է իմ մօտ հաճութեամբ միւս Անդամների: Սրա հետ վերադարձնումեմ գործն ու թղթերը»: ՀՐԱՄԱՅՆՅԻՆ. պահետի զօրաց պրապօրչիկ Ագգիբմանցի Մկրտիչ Երեմեանցի պատկի թոյլտուութեան խնդիրը եզիսարէթ Սիմէոնեանի հետ, ազգականութեան հինգերորդ աստիճանում՝ համարելով Սինոդիս իրաւասութիւնից բարձր, թողնել Ամենայն Հայոց ընտրելի Քահանայապետի բարեհաճ կամքին, իսկ զեղծումների և կատարուելիք քննութեան մասին, որը պահանջում են Սինոդիս երկու Անդամները՝ Գերապատիւ Սարգիս եպիսկոպոսը և բարեշնորհ Բարդուղիմէոս վարդապետը, առաքելով այս օրագրութեան պատճէնը խնդրել նոյնին գերազնրութեան Սինոդիս պ. Պրոկուրորի տնօրինութիւնը:

(Ստորագրութիւնը. Տեղակալ Ատենապետի Սինոդի՝ Երեմիա եպիսկոպոս, Անդամ՝ Գրիգորիս եպիսկոպոս, Արիստակէս (Սեդրակեան) եպիսկոպոս: Սրբազան Գրիգորիսի ստորագրութեանը կից է հետևեալը. «Գոն ինձ բանք ինչ խօսելոյ յայտարարութեամբ»):

